



Uspješna Priča

Porodice počinju od nule nakon katastrofalnih poplava u BiH

Alat i oprema pomažu porodicama da se vrate svojim kućama

Avril 2015.—Odakle da počnete kada ste izgubili sve što imate? Šta biste prvo zamijenili i kako?

Ovo su pitanja na koja je hiljade porodica iz Bosne i Hercegovine moralo odgovoriti u maju, 2014. godine nakon što je četiri dana neprestano padala kiša koja je izazvala najveće poplave tokom posljednjih 120 godina i pokrenula 2.000 klizišta. Više od pola miliona ljudi je bilo prisiljeno napustiti svoje domove i lokalne zajednice, uključujući 140.000 djece. Kada se voda povukla, uništila je hiljade domova i imovinu ljudi.

“Sve je bilo pod vodom 20 dana. Nismo mogli prići kući. Sve je bilo uništeno, nismo mogli ništa spasiti,” rekao je Ivo Mikić iz Brčko Distrikta, koji ima dvije kćerke i sina. Ova porodica je živjela od poljoprivrede i uzgoja stoke, ali, njihov prihod je značajno smanjen nakon što su se 62 svinje udavile u vodi koja je tokom poplava bila viša od 3 metra.



Božo Ninković iz Šamca sa sinom i kćerkom. Oni su izgubili sve kada im se kuća našla ispod 3 metra vode. Foto:Dejan Durkovic/Save the Children

Uz pomoć partnera Save the Children, USAID je pomogao porodicama u Distriktu Brčko i opštinama Orašje i Šamac da ponovo stanu na noge. U nekoliko sedmica nakon katastrofe, USAID je isporučio vodene pumpe, isušivače prostorija i pakete za dezinfekciju vode za više od 1.200 domaćinstava kako bi se nakon čišćenja mogli vratiti svojim kućama. Najranjivije porodice, kao što su velika ili siromašna domaćinstva, ili oni sa članovima porodice koji imaju specijalne potrebe, dobili su vaučere kako bi im se pomoglo da zamijene neke stavri koje je uništila poplava i blato koje je ostalo nakon što se voda povukla.

“Mi se još uvijek bojimo novih poplava, čak i kada pada kišica. Taj strah nije racionalan, ali je prisutan, posebno kod djece.”

“Ne bismo ništa mogli uraditi da nije bilo isušivača i čim smo ponovo dobili struju, koristili smo ih,” kaže Ljiljana Marković, samohrana majka iz Opštine Orašje.

Radmila Borga i njena porodica su raseljeni sa dva sina i kćerkom. Ona i njen muž su nezaposleni, a njen muž je osoba sa invaliditetom. Voda, visine preko 2 metra, napravila im je velike štete na kući.

“Vaučer nam je mnogo značio kako bismo mogli da kupimo nešto kada nismo imali ništa,” kaže Borga.

“Mi smo koristili vaučer da kupimo alat. Trebala nam je bušilica da nastavimo sa radovima na popravci kuće,” kaže Stana Petrović iz sela Vučilovac, koja živi sa rodbinom, mužem, tri kćerke tinejdžerke i jednom 6-stogodišnjakinjom.

Ovaj projekat je integralni dio USAID-ovog Projekta za obnovu područja pogođenih poplavama, vrijednog 14,7 miliona dolara, putem kog je osigurana pomoć za više od 19.000 ljudi, uključujući više od 7.200 djece, kako bi se vratili u normalan život. Voda i mulj su ulonjeni i počela je obnova, ali trebaće vremena da se sjećanja slegnu.”